

# Iconica: 1. settember 2014 – 31 avuost 2015

Iconica our da la pressa rumantscha, cun permiss d'adöver da las fotografias da la Posta Ladina e La Quotidiana.



## 1. SETTEMBER 2014

**S-chanf ho fat festa cun sieu pü ot politiker.** Il president cumünel da S-chanf, Duri Campell, es per ün an il pü ot politiker dal chantun Grischun. El es gnieu elet dals parlamentarischs scu president dal grand cussagl.

**Emil Müller:** President cumünal da Zernez. Il cumün fu-siunà Zernez vain presidià a partir dals 1. schner 2015 dad Emil Müller.



**Maraton da bike intuorn il PNS.** 1'883 atletas ed atlets han tut part al maraton da bike intuorn il PNS. Pro las duonnas ha guadagnà Milenda Landtwing, pro'ls homens Christoph Sauser.



## 2 SETTEMBER 2014

**Festa a Zuoz.** A Zuoz ho transporto ün elicopter da dimensiuns enormas al lö las püttas per la nouva s-chabellera Albanas. Traunter oter es gnieu fat üna concurrenza per guadagner ün svoul cul heli, que chi es sto üna sensaziun per pitschen e grand.

**«Sindoria» prüm roman da fantasia in rumantsch.** Dominique Dosch, la giuvna autora da quist roman, ho prelet our da sieu cudesch i'l chesin Manella a Schlarigna.



## 3 SETTEMBER 2014

**Art a Madulain.** Ils artists Gian Tumasch Appenzeller e Chasper Linard Schmidlin haun creo ün installaziun cun bindels culurieux a Madulain.



## 4 SETTEMBER 2014

**Resultat allegraivel pro las pendicularas Motta Naluns SA.** Cun ün schmerdsch da s-chars 15 milliuns francs preschaintan las Pendicularas Motta Naluns darcheu ün bun resultat annual. L'on chi vain gnarà fabricchà üna nouva s-chabellera Prui-Clünas.



## 5 SETTEMBER 2014

**Bibi Vaplan lavura cun «Helvetiarockt».** Bianca Mayer da Scuol as partecipescha al program da «Helvetiarockt» chi sustegna duonnas e giuvnas illas spartas da musica jazz, pop e rock.